



ԸՆԴՈՒՆԵԼՈՒԹՅՈՒՆՆԵՐ ՄԱՅՐ ԱԹՈՌՈՒՄ

ԱՄԵՆԱՅՆ ՎԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՌԴ ԿԵՆՍԱԹՈՇԱԿԱՅԻՆ ՎԻՄՆԱԴՐԱՄԻ ՆԱԽԱԳԱՀԻՆ

Սեպտեմբերի 23-ին Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց ՌԴ Կենսաթոշակային հիմնադրամի նախագահ Գենադի Բապանովի գլխավորած պարվիրակությանը:

Հանդիպման ընթացքում Նորին Սրբությունը ողջունեց սոցիալական ապահովության ոլորտում մեր երկու երկրների գործակցությունը: Վեհափառ Հայրապետը նաև գոհունակություն հայտնեց, որ Ռուսաստանի բարեկամ ժողովրդի ու երկրի հետ կապերը փարբեր մակարդակների վրա շարունակաբար սերտանում ու զորանում են՝ խարսխված դարավոր ավանդույթների վրա: «Մեզ համար և մեր ժողովրդի համար թանկ են մեր հայրերի կերպած այդ բարեկամական հարաբերությունները, և մենք նախանձախնդիր ենք, որպեսզի այդ կապերը նոր, բարի արդյունքներով զան շենացնելու մեր ժողովուրդների կյանքը»,- ասաց Ամենայն Հայոց Հայրապետը իր խոսքում:

Անդրադարձ եղավ նաև Հայ Առաքելական ու Ռուս Ուղղափառ Եկեղեցիների միջև առկա ջերմ հարաբերություններին:

Ն.Ս.Օ.Տ.Տ. ԳԱՐԵԳԻՆ Բ ԱՄԵՆԱՅՆ ՎԱՅՈՑ ԿԱԹՈՂԻԿՈՍՆ ԸՆԴՈՒՆԵՑ «ՄԻՆԴԵՍՄՈՍ»-Ի ԱՆԴԱՄՆԵՐԻՆ

Սեպտեմբերի 27-ին Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց փարբեր երկրներից Հայաստան ժամանած՝ Ուղղափառ երիտասարդների «Մինդեսմոս» համաշխարհային միության ներկայացուցիչներին՝ ուղեկցությամբ Մայր Աթոռի Միջնեկեղեցական հարաբերությունների գրասենյակի աշխատակից Տ. Հովակիմ աթղ. Մանուկյանի:

«Մինդեսմոս»-ի ներկայացուցիչների անդրանիկ այս այցի նպատակն է՝ հանդիպել Հայաստանյայց Առաքելական Սուրբ Եկեղեցու երիտասարդական միությունների անդամների հետ, ծանոթանալ Հայ Եկեղեցու պատմական ու հոգևոր դարավոր ժառանգությանը, ներ-

կայիս գործունեությանը: Մայր Աթոռ Ս. Էջմիածնի հովանավորությամբ և Արարապյան կայրապետական ու Կոպայքի թեմերի Երիտասարդաց միությունների աջակցությամբ միության անդամները Գուգարաց թեմի «Ծիծեռնակ» ճամբարում հնգօրյա կեցության ընթացքին այցելել են Հաղպատի, Կեչառիսի ու Սևանի Ս. Առաքելոց վանքեր, Սևանի Հոգևոր Դպրանոց, հանդիպել հայ հոգևորապետականների հետ:

Հանդիպման սկզբում խմբի անդամների անունից շնորհակալական խոսքով Նորին Սրբությանը դիմեց «Սինդեմոս»-ի փոխնախագահ Սյուրոս Ծիմուրիսը՝ երախտագիտություն հայտնելով ջերմ հյուրընկալության համար:

Ապա Ֆինլանդիայից, Ռումինիայից, Ռուսաստանից, Անգլիայից, Հունաստանից ժամանած ներկայացուցիչներին իր օրհնությունը բաշխեց Ամենայն Հայոց Հայրապետը: «Ուրախ եմ, որ Հայաստանում եք, առիթն ունեք ճանաչելու Հայաստանը և Հայաստանյայց Առաքելական Սուրբ Եկեղեցին և իր 1700-ամյա առաքելությունը, ծանոթանալու մեր Եկեղեցու լայնախոհ և ուղղափառ ոգուն», - ասաց Նորին Սրբությունը՝ կարևոր նկատելով երիտասարդների կողմից կատարվող աշխատանքը Եկեղեցիների միության ոլորտում: Վեհափառ Հայրապետը գոհունակությամբ նշեց, որ «Սինդեմոս»-ի շարժման մեջ ներգրավված են նաև Հայ Եկեղեցու երիտասարդաց միությունները, և վստահություն հայտնեց, որ այսօրինակ հանդիպումները կշարունակվեն և լավ արդյունքներ կարձանագրեն:

Ն.Ս.Օ.Տ.Տ. ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍԸ ԸՆԴՈՒՆԵՑ ԳԻՆԼԱՆԴԻԱՅԻ ՀԱՆՐԱՊԵՏՈՒԹՅԱՆ ՆԱԽԱԳԱՀ ՏԱՐՅԱ ՀԱՍՈՆԵՆԻՆ

Սեպտեմբերի 27-ին Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց Ֆինլանդիայի Հանրապետության նախագահ Կիլկին Տարյա Հալոնենին և նրա գլխավորած պարավիրակությանը՝ ուղեկցությամբ ՀՀ Արդարադատության նախարար Դավիթ Հարությունյանի և Ֆինլանդիայում ՀՀ արտակարգ և լիազոր դեսպան Վլադիմիր Կարմիրշալյանի:

Վեհափառ Հայրապետը, ողջունելով Ֆինլանդիայի Հանրապետության նախագահի այցը Մայր Աթոռ Սուրբ Էջմիածին, գոհունակություն հայտնեց երկու երկրների միջև զարգացող ջերմ հարաբերությունների համար: Նորին Սրբությունը անդրադարձավ նաև Հայաստանյայց Առաքելական Սուրբ Եկեղեցու, Ֆինլանդիայի Լյութերական և Ուղղափառ Եկեղեցիների միջև առկա եղբայրական կապերին, ինչպես նաև հիշեց 2002 թ. Ֆինլանդիայի Լյութերական Եկեղեցու առաջնորդ Յուկա Արքեպիսկոպոս Պաարմայի գլխավորած պարավիրակության այցը Հայաստան, այլև 2004 թ. Ֆինլանդիայի Լյութերական Եկեղեցու հրավերով Ֆինլանդիա կատարած պաշտոնական իր այցը:

Նորին Սրբությունը նաև շնորհակալություն հայտնեց Ֆինլանդիայի նախագահին այն նպատակի համար, որ իր երկիրը բերում է Լեռնային Ղարաբաղի հակամարտության խաղաղ կարգավորման խնդրում: «Հավատում եմ, որ բարին պիտի հաղթանակող լինի. այլ ճանապարհ չկա, քան փոխհամագործակցությամբ ապրել այս փարածաշրջանում և ընդհանրապես աշխարհում», - ասաց Վեհափառ Հայրապետը իր խոսքում անդրադառնալով

Եկեղեցիների և կրոնների պետերի կարևոր դերին խաղաղության հաստատման գործում: «Նոգևոր պետերը գիտակցում են ներկա կյանքի պայմաններում աշխարհի առջև ծառացած մարտահրավերները՝ ժողովուրդների մեջ հանդուրժողության ոգին գործացնելու և խաղաղ համակեցության կոչելու՝ բարի ապագա երաշխավորելու մարդկությանը», - նշեց Նորին Սրբությունը:

Շնորհակալություն հայտնելով Ամենայն Հայոց Հայրապետին ջերմ խոսքերի համար՝ Կրիկ. Հայրենյալն ուրախություն հայտնեց հանդիպման հնարավորության համար՝ վերհիշելով 1996 թ. Հայաստան կատարած իր առաջին այցի ժամանակ Գարեգին Ա Ամենայն Հայոց Կաթողիկոսի հետ ունեցած հանդիպումը:

Ընդունելության ընթացքում խոսվեց նաև Հայաստանում ժողովրդավարական գործընթացների, ինչպես նաև Հայ Առաքելական Եկեղեցու ներկայիս գործունեության մասին կրթական և սոցիալական ոլորտներում:

Հանդիպմանը ներկա էր Մայր Աթոռ Ս. Էջմիածնի դիվանապետ Ս. Արշակ եպս. Խաչատրյանը:

ԱՄԵՆԱՅՆ ՀԱՅՈՑ ԿԱԹՈՂԻԿՈՍԸ ՀՐԱԺԵՇՏ ՏՎԵՑ ՀՀ-ՈՒՄ ՀՈՒՆԱՍՏԱՆԻ ԴԵՄՊՆԻՆ

Սեպտեմբերի 29-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց Հայաստանի Հանրապետությունում իր դիվանագիտական առաքելությունն ավարտած Հունաստանի Հանրապետության արտակարգ և լիազոր դեսպան Անտոնիոս Վլավիանտսին և Հույն Ուղղափառ Եկեղեցու «Համերաշխության զարգացման» կազմակերպության գործադիր փոօրեն Դիմիտրիոս Ֆուրլեմաղիսին:

Վեհափառ Հայրապետը բարձր գնահատեց դեսպանի եռամյա գործունեությունը Հայաստանում: «Մեր ժողովուրդների բարեկամությունը և եղբայրությունը կերպով է թշնամիների պարճառած բազում փառապանքների և դժվարությունների մեջ: Եվ այսօր գալիքին առնչվող բազում իրավիճակներում մեր ժողովուրդների համար», - նշեց Հայոց Հայրապետը՝ անդրադառնալով երկու ժողովուրդների միջև առկա դարավոր կապերին: Նորին Սրբությունը դեսպանին մաղթեց սպասավորության բարի արդյունքներով լեցուն քաջամոռը բազում փառքներ:

Այնուհետև Դիմիտրիոս Ֆուրլեմաղիսը Նորին Սրբությանը փոխանցեց Աթենքի և Համայն Հունաստանի Արքեպիսկոպոս Բրիսպոլիտոսի եղբայրական ողջույնն ու Հունաստան այցելելու հրավերը: Պրն Ֆուրլեմաղիսը Վեհափառ Հայրապետին ներկայացրեց նաև Հույն Ուղղափառ Եկեղեցու հովանավորությամբ իր կազմակերպության Հայաստանին բերած նպաստը հարկապես առողջապահության ոլորտում: Ամենայն Հայոց Կաթողիկոսը, վերհիշելով Բրիսպոլիտոս Արքեպիսկոպոսի հետ ունեցած իր հանդիպումը Հռոմում, իր հերթին Հայաստան այցելելու հրավեր ուղղեց Հունաստանի Արքեպիսկոպոսին:

Հանդիպման ընթացքում խոսվեց Հայաստանյայց Առաքելական Սուրբ Եկեղեցու և Հույն Ուղղափառ Եկեղեցու միջև առկա ջերմ հարաբերությունների և համագործակցության զարգացման հնարավոր ուղիների մասին:

ԱՊՏ ԱՆԴԱՄ ՊԵՏՈՒԹՅՈՒՆՆԵՐԻ ՆԵՐՔԻՆ ԳՈՐԾԵՐԻ ՆԱԽԱՐԱՐՆԵՐՆ ԱՅՅԵԼԵՅԻՆ ՄԱՅՐ ԱԹՈՒ ՍՈՒՐԲ ԷԶՄԻԱԾԻՆ

Մեայրեմբերի 30-ին ԱՊՏ անդամ պետությունների Ներքին գործերի նախարարների խորհրդի անդամներն այցելեցին Մայր Աթոռ Սուրբ Էջմիածին՝ ուղեկցությամբ ՆՆ Ոստիկանության պետ Հայկ Հարությունյանի:

Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի անունից նախարարներին ողջունեց և Նորին Սրբության բարեմաղթանքները փոխանցեց Մայր Աթոռի դիվանապետ Տ. Արշակ եպիսկոպոս Խաչատրյանը՝ ցանկանալով, որ Սուրբ Էջմիածնի 1700-ամյա օրինությամբ առավել արդյունավորվեն իրենց աշխատանքները:

ԱՊՏ անդամ պետությունների Ներքին գործերի նախարարները նաև այցելեցին Մայր Տաճար և Մայր Աթոռի թանգարաններ:

ՄԱՅՐ ԱԹՈՒ ՍՈՒՐԲ ԷԶՄԻԱԾԻՆ
ՏԵՂԵԿԱՏՎԱԿԱՆ ՎԱՍԱԿԱՐԳ